



Publicaziuns officialas dils 28-07-2017

Uffeci civil Surselva

Mortori

Bearth-Willi Maria Angela, naschida ils 09-01-1936, morta ils 24-07-2017, stada sesenta a Sumvitg.

Sumvitg, 28-07-2017

Controlla da habitonts

Uniun da dunnas dalla vischnaunca da Sumvitg

Sonda, ils 5 d'uost, viagiein nus sil Muot da Rubi cul menader Pauli Albin. Nus s'entupein allas 7.30 sil parcadi dalla Greina a Rabius e carrein lu cun autos privats entochen sill'alp Quader. Da leu anora viagiein nus entochen la camona dil Durschin (duas uras) e silsunter van quellas che pon aunc entochen sil Muot da Rubi (in'ura). Cun quei che la camona ei serrada questa stad, gentein nus ord il saccados. Giuanna Pelican, 076 537 78 45, dat bugen dapli informaziuns e pren encunter ti' annunzia entochen ils 2 d'uost.

Casa sogn Giusep Cumpadials

Mardis, 01-08-2017

09.00–13.00 solver d'emprem uost

Annunzias a: 081 929 30 00 ni info@casasogngiusep.ch

poly.kids

poly.kids – ein Angebot für sportbegeisterte Kids!

Siehe Surselva

Fiasta d'emprem d'uost da Plaun Petschen

Mardis, igl 1. d'uost 2017

Ustria cun tenda da fiasta, gril e bar. La sera grond fiug cun rachettas e vulcans. Organisau dall'Uniun da giuventetgna Sumvitg. Allas 15.00 uras: Reavertura officiala dalla piazza da giugs Plaun Petschen. Cun giugs per pign e grond. Cordialmein envida

Sumvitg Turissem

Miez miur e miez utschi

Fledermaus-Beobachtung

Observer sco ils uregliasmiur sgolan ora | Beobachtung der ausfliegenden Mausohren
sonda, ils 29 da fenadur 2017, allas 20.30 uras a Surrein

liug da sentupada: Destillaria Candinas.

La stad cu ei entscheiva a far stgir sgolan ils miez miur e miez utschals ord il «quartier da femellas» alla tscherca d'insects. Sut il tetg dalla baselgia da Surrein sesanfla in da quels «quartiers da femellas». El plantiu baselgia partureschan las femellas lur pigns. Miriam Lutz Mühlethaler presenta ils uregliasmiur pigns ed ils uregliasmiur gronds dalla gronda colonia da Surrein ella Destillaria Candinas. Silsuenter mein nus giadora per observar il spitachel dalla notg.

Organsaziun: Center sursilvan d'agricultura, Academia Vivian

Annunzia entochen **venderdis, ils 28 da fenadur** allas 17.00 uras sut info@agricultura.ch ni 081 936 48 00

Segirada ei caussa dils participonts.